



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Ivttæ Vidvæ. 5. Maii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

contenderet. Huc priusquam Romam iret, DD. Franciscum & Dominicum felici pede offendit. Nam Franciscus repente plenus Numine fatidico ad pedes ANGELI accidit, osculoque his fixo, martyrem voce gratulabundam salutavit. Sed & hunc vati suo vatem fuisse ajunt, & jam tum cœli nomine promississe Francisco illa vulnera honestissima, alterum haud dubie nec minus nobile martyriū. Cæterum in Siciliam appulsus, cum Berengarium Comitem incestam cum sorore consuetudine multis jam annis infamem clam primò, tum palam castigasset, immisam hæreticorum manu, in ipso templo, plura vulnera pro concione interque hæc lethale accepit. Atque ex hoc paulò post mortuus, ad cognomines abiit ANGELVS. Ex Bzov. 13. 10. Ann. Eccl. & Ferr.

S. IVTTA VIDVA. 5. Maii.

QVI IVTTAM legis, legentem lege. Nam & illa à teneris vitas legere Divorum gaudebat; sed &, quod pauci facimus, facere gaudebat, quæ legerat. Nubilem jam & fugam è mundo meditantem, nuptiæ illustres implicarunt, neque tamen manus virtuti ligarunt. Mundum omnem muliebrem, quem à parentibus & ipsis illustribus nobilissimum acceperat, ad vestienda ornandaque medicabula omnem contulit, rectè
non

non pulchrius micare gemmas & unio-
nes rata, quàm in pauperis Christi cen-
tonibus, iamque eò devenerat, ut de-
coctâ ingenti dote, necessaria ad vitam
mendicare ipsa non sine risu improbo-
rum cogeretur. Sed laudavit Christus
hanc prodigalitem conspicuus, & ite-
rum ditavit illis verbis: *Omnia mea tua
sunt, & tua mea.* Enimverò tam opulen-
tam se ubi circumspexit IVTTA, effu-
sior etiam dehinc vixit. Neque tamen
redigi ad incitas potuit liberalis dexte-
ra. Iterum Christus illi visus potestatem
fecit ex divite cordis sui aratio quas
luberet opes depromendi. Illa Sapietia
sanctioris thesauros deprompsit, ut jam
sine alio Doctore arcana fidei calleret,
& in ipsa adyta sanctissimæ Triadis
mulier se penetraret. Nimirum neque
jam supremum agram à Christo ad no-
tas delicias invitata miror, neque du-
bito animum membris solutum restâ
in coelos abiisse, cum versus hos in aë-
rem abiisse inter preces, etiam cum
corporis pondere legam. *Ex Bzov. to. 13.
Ann. Eccl.*

S. IOANNES DAMASCENVS.

6. Maii.

ETiam hic IOANNES, cui patria
EDAMASCENO nomen fecit, inter
VIRGINIS cultores in paucis est nu-
merandus. Cum enim Saracenorū Duci

R

à con-